

欽定天文正義

欽定天文正義卷十四

歲星占

歲而周天出常東方以晨入於西方用昏單於闕歲歲陰
在卯星居子以二月與婺女虛危晨出曰降入大有光其失
次有應見張名曰降入其歲大水執徐歲歲陰在辰星居
亥以三月居與營室東壁晨出曰青童青青甚童其失
次有應見軫曰青童歲早早晚水大荒駭歲歲陰在巳
星居戌以四月與奎婁胃昴晨出曰斫躔熊熊赤色有光
其失次有應見亢致祥歲歲陰在午星居酉以五月與
胃昴畢晨出曰開明炎炎有光偃兵唯利公主不利治
兵其失次有應見房歲早早晚水以洽歲歲陰在未星居
申以六月與觜觴參晨出曰長列昭昭有光利行兵其失

次有應見箕涪灘歲歲陰在申星居未以七月與東井與
鬼晨出曰大音昭昭白其失次有應見牽牛作鄂歲歲在酉
星居午以八月與柳七星張辰出曰為長王作作有甚國其
昌熟穀其失次有應見危曰大章有旱而昌有女喪民疾
閏戊歲歲陰在戌星居巳以九月與翼軫晨出曰天睢白
色大明其失次有應見東壁歲水女喪大淵獻歲歲陰在
亥星居辰以十月與角亢晨出曰大章

集解徐廣曰一日天皇
索隱天文志亦作天皇

蒼蒼然星若躍而陰出旦是謂正平起師旅其率必武其國
有德將有四海其失次有應見婁困敦歲歲陰在子星居
卯以十一月與房心晨出曰天泉元色甚明江池其昌不

利起兵其失次有應在外赤奮若歲歲陰在丑星居寅以
十二月與尾箕晨出曰天皓黥然黑色甚明其失次有應
見參當居不居居之又左右搖未當去去之與他星會其圖
凶所居久國有德厚其角動乍小乍大若色數變人主
有憂其失次舍以下進而東北三月生天棓長四尺末兌進
而東南三月生彗星長二丈頭彗退而西北三月生天攬長
四丈末兌退而西南三月生天槍長數丈兩頭兌謹視其所
見之圖不可舉事用兵其出如浮如沈其國有土功如沈如
浮其野亡色赤而有角其所居國昌迎角而戰者不勝星色
赤黃而沈所居野大穰色青白而赤仄所居野有憂歲星入

月其野有逐相與太白闕其野有破軍歲星一曰攝提曰重華曰應星曰紀星營室為清廟歲星廟也

漢書天文志歲星曰東方春木於人五常仁也五事貌也仁虧貌失逆春令傷木氣罰見歲星

晉書天文志歲星盈縮以其舍命國其所居久其國有德厚五穀豐昌不可伐其對為衝歲乃有殃歲星安靜中度吉盈縮失次其國有憂不可舉事用兵又曰人主之象也色欲明光潤澤德合同又曰進退如度姦邪息變色亂行主無福

主大司農主齊吳主司天下諸侯人君之過主歲五穀

宋史天文志石申曰歲星所在國不可伐如歲在卯不可東

征甘德曰所去國凶所之國吉退行為凶災主泰山徐青兗
及角亢辰房心尾箕君令不順則歲星退行入陰為內事入
陽為外事行陰道為水行陽道為旱星火則喜小則牛馬
多死疾疫初見小而日益大所居國利初出大而日小國耗
荊州占歲星色黑為喪黃則歲豐白為兵青多徵君暴則
色赤

開元占甘氏曰歲星凡十二歲而周皆三百七十日而夕入
於四方三十日復晨出於東方視其進退左右以占其妖祥
觀象玩占歲星東方青帝靈威仰之使蒼龍之精木德之宿
歲星行一次十二年一周天與太歲相應故謂之歲星主春

其日甲乙其辰寅卯其卦震巽其音角其數八其帝大暉其神句芒歲星所在其國有福逆之則怒為殃尤甚

按木星每日行十二分度之弱每年行三十度三分度之一強十二年一周天而過四度三分度之一八十四年行七周天而過一宮如乾隆十一年太歲在寅歲星亦在寅積八十四年太歲在寅則歲星在丑積一千零八年則太歲復與歲星合天官書云攝提格歲歲陰在寅歲星在丑蓋據一歲為言非寅年歲星必在丑也其伏見順逆之節依今時憲法推算自合伏後東行十二度百四十四日反逆行逆行十度百二十日後東行東行十二度百四

十日而復與日合。合後後約十五日晨見。合復前約十五日夕不見。四百日而一周。與甘氏說同。天官書蓋有脫誤。至其行度盈縮多者十七日。度一由本天高卑。一由距日

遠近

詳見考成

不得有失次者。天官書云失次則生妖星。漢書

天文志亦載甘石二家之言。是蓋古有其說。今案歲星進退有常度。而彗星不數見。不得謂彼職于此也。若夫去留久暫。雖亦常度使然。而天文家以歲星為福。故以所之進氣為吉。所去退氣為凶。陰陽家以太歲前一星位為太陽。後一位為病符。義亦顯此。至于色之常變。以五行四時為說。其義亦通。究之星體本自光芒。天官書以赤而有角為

吉。晉書云：色欲明光，非為本星為然。蓋亦五星通例也。

歲星行色變異占

史記天官書：歲星所在五穀逢昌，其對為衝，歲乃有缺。

宋史天文志：歲星色光明潤，君壽民富。

開元占：歲星色青白是其常色，赤則主有憂，色黃有喜，色白為旱，喪色黑多疾病，有水災。歲星色青黑，期六十日有喪。歲星色黃白，歲穰。歲星在春，其色當蒼黃而光潤澤，其變而白，秋有喪，變而赤者，夏有兵。海中占曰：歲星色蒼黃，吉；赤，亡澤，有子孫喜；立王，黃得地，白有兵，青黑有德令。荆州占曰：歲星王時，當有芒角，若無芒角者，王者無威勢在。

臣下

觀象玩占甘氏曰歲星在春王色比左角大而青精光立春後滿七十二日後十八日色黃仲春之時有芒色角在冬相其色精光而無芒角在夏休其色青黃無精光在四季囚其色青微黑在秋死其色細小不明此其常也如其常則天下和平歲星當王時而有相色主弱臣強有休色人主病有囚色宜赦有死色喪其進舍也有德令其退舍也有惡令其留守之舍有逆法有逐臣當相時而有王色其國主弱臣強有休色相罷有囚色相囚有死色相死有此色者其面守之舍圓凶其進舍也有兵其退舍也相有逆謀不成當休時而有

王色其國有憂兵有相色大水大臣誅有囚色百果傷有死
色五穀傷當囚時而有王色王政不行下反上有相色臣專
政六月降霜有休色謀不遂有死色貴臣誅有此色者其由
守之舍國有禍傷其進舍也有兵其退舍也將軍亡當死時
而有王色草木再榮有相色木枯更生有休色國有土功
有囚色大赦 歲星主齊魯東吳之國青徐州及楊充之
域其色蒼如左角及參左角肩十二芒若變色而白有喪
黑有疾疫赤有兵黃有喜歲星色黃赤而明潤或黃白而
明潤其歲大熟其分國有喜慶之事青為蟲蝗黃女主持
政一曰歲星色青多為微事白多為兵色青白而不光潤

兵徵並起焦贛曰歲星色黃而澤立竿見影大熱一日正
月歲星色黃赤光澤所居之野大穰黃白有慶賞事色
正白有喪 歲星變色而赤芒角其國大旱暖氣早來蟲蝗
為害人多疾疫歲饑有兵變色而青芒角有土功白芒角
淫雨為災人大疾疫黑芒角水潦為災霜雪殺物種不
入土國有憂一曰木變色人主有怒有芒角為誅殺為兵
無芒角有軍戰不勝歲星在東方宿中色宜青而白角為兵
青而黑為喪在南方宿中色宜赤而青為憂白角而怒有兵
黑為喪在西方宿中色宜白而青有憂赤黑皆為兵在北方
宿中色宜黑而青有憂赤為兵白角而怒亦為有兵起歲星

赤黃而角所居國昌人主以武強若戰歲星無芒角不勝
歲星芒角所指者敗迎角而戰者亦敗歲星角且芒昏為征
伐四方歲星出氣為青穰明日大寒有小雨不出三旬黃
魚鹽貴不過二十日止所在之國苗傷物少寔民徙其鄉不
出二年布帛貴歲星出穰長尺不出三日雨不則大霧

月犯歲星

史記天官書月蝕歲星其宿地飢若亡歲星入月其野有逐
相

開元占荊州占曰月與歲星光明相逐飢三年糴貴民流亡
歲星入月中臣賊其主月犯歲星其國民飢又曰其國疾河

圖帝覽嬉曰月貫歲星有流民不出十二年國飢亡月蝕
歲星其鄉大戰拔邑

觀象玩占月犯歲星其分歲飢人流黃帝占曰刑獄煩多
盜賊一曰有邊兵又為民疫一曰相有凶月與歲星同宿其
年有疾疫月與歲星同宿而食粟貴農官夏月蝕歲星
軍亂一曰大臣誅月食歲星而暈女主凶其國大飢有大
戰歲星八月不出一旬天下有大災粟大貴不出二年天下
亡徒為亂有野兵歲星逆行犯月法令散

歲星熒惑相犯

宋史天文志歲星熒惑相犯為大戰相去方可為犯戰客

勝食大國亡邊侵月食守之為賊居之不去為守觸火則國
亂兩體俱動而直曰觸

開元占歲星與熒惑接芒於西方諸侯君臣有憂期明年
春害農事與歲星會于東方不出二年宰相亂歲星與熒
惑同舍相去三尺以內相守七日以上至四十日其國有友
臣五穀傷百姓不安期一年

觀象玩占歲星熒惑相犯為旱為飢有兵大戰歲星守熒
惑地動一曰赦

歲星填星相犯

宋史天文志歲星守填星其下城敗

開元占填星所在歲星從之伐者利歲所在填星從之伐者不利

觀象玩占歲星犯填星太子憂歲星觸填星太子疾有赦
歲守填星大臣相滅天下交爭一曰有兵戰主人吏死其國
大穰一曰木土交行必有破傷

歲星太白相犯

宋史天文志歲星太白相犯大臣黜觸太白則四邊來侵守
太白為四序不論

開元占巫咸曰太白犯木星為飢期三年荊州占曰太白犯
歲星為旱為兵若環繞與之並光有兵戰破軍殺將石氏

曰太白與歲星相犯而有滅者諸侯相滅所受之國受之歲星所在太白從之伐者利有功太白所在歲星從之伐者不利無功歲星與太白過有兵兵罷

觀象玩占歲星太白相犯有兵大戰一曰相死一曰其分草再生將軍誅無將軍則不出四十日有拜將歲星乘太白有戰偏將死守太白蠻夷叛四序不順陰陽不和

歲星辰星相犯

宋史天文志歲星辰星相犯太子憂觸辰主憂守憂賊

開元占荊州占曰辰星與歲合而犯之為殞霜

觀象玩占歲星辰星相犯有兵一曰大臣誅民多病溲辰

星掩歲星有兵戰客將死滅之殺大將貫之薄之殺偏將
觸之主有病守辰星主憂有賊水退國不安不退賊敗

歲星雜干犯占

宋史天文志他星犯歲星主不安客星犯守主憂流星犯
之色蒼黑大穰死赤為飢疫黃則歲豐抵之臣叛主

開元占巫咸曰他星守歲星越有憂

觀象玩占歲星與客星合有賊歲星與客星闕其國易
相流星犯歲星其分使者被殺荆州占曰流星入歲星色
黑相死其國農荒色赤大疫天下飢色黃白足食流星赤
直刺歲星其分使被殺流星貫歲星其分守臣被害流

星色黃潤緩緩而行首尾端直去歲星一二寸沒其分君有
福

欽定天文正義卷十五

熒惑占

熒惑占

史記天官書察剛氣以處熒惑曰南方火主夏日丙丁禮失
罰出熒惑熒惑失行是也出則有兵入則兵散以其舍命國
熒惑熒惑為勃亂殘賊疾喪飢兵反道二舍以上居之三
月有殃五月受兵七月半亡地九月大半亡地因與俱出入
國絕祀居之殃還至雖大當小久而至當小反大其國為文
夫北為女子喪若角動統環之及乍前乍後右左殃益大
與他星鬪光相逮為害不相逮不害五星皆從而聚于一舍
其下國可以禮致天下法出東行十六舍而止逆行二舍六
旬復東行自所止數十舍十月而入西方伏行五月出東方

其出西方曰反明主命者惑之東行急一日行一度半其行
東西南北疾也兵各聚其下用戰順之勝逆之敗熒惑從太
白軍變離之軍却出太白陰有分軍行其陽有偏將戰當其
行太白速之破軍殺將其入守化太微軒轅熒室主命惑
之心為明堂熒惑廟也謹候此

晉書天文志熒惑曰南方夏火禮也視也禮虧視失逆夏
令傷火氣罰見熒惑熒惑法使行無常出則有兵入則
兵散以舍命國為亂為賊為疾為喪為飢為兵所居國受
殃環繞鉤已甚角動操變色乍前乍後乍左乍右其為殃
愈甚其南丈夫北女子喪周旋止息乃為死喪寇亂其野亡

地其失行而速兵聚其下順之戰勝又曰熒惑主大鴻臚主
死喪主司室又為司馬主楚吳越以南又司天下羣臣之過
司驕奢亡亂妖孽主歲成敗又曰熒惑不動兵不戰有誅
將其出色赤怒逆行成鉤已戰凶有圍軍鉤已有芒角如鋒
刃人主無出宮下有伏兵芒大則人衆怒反為理外則理兵
內則理政為天子之理也故曰雖有明天子必視熒惑所在
其入守犯太微軒轅熒室房心主命惡之

宋史天文志熒惑為南方為夏為火于人五常禮也五視
也晉灼曰常以十月入太微受制而出行列宿司天道出入
無常二歲一周天出則有兵入則兵散逆行一舍二舍為不

祥所舍國為亂賊疾喪飢兵或環繞句已芒角動搖瘦色
乍前乍後為殃愈甚退行一舍天下有大災五舍大臣叛
星經曰主霍山揚州荆交州又與鬼柳七星

開元占淮南天文間詒鴻烈曰南方火也其帝祝融其佐朱
明執衡而治夏衡平也其神為熒惑其獸為朱雀其音徵
其日丙丁

觀象玩占熒惑一曰赤星一曰罰星曰執法曰天侯南方赤
帝赤熒怒之神朱雀之宿火之精也其行無常出則有兵入
則兵散熒惑居東方為懸息西方為天理南方為熒惑進
退無恒蹊急促疾故曰熒惑主歲成敗明照四方察過失

以謹告人主者也主憂患過惡

按火星每日平行三分度之一強每歲平行一百九十一度十分度之四強二年一周天過二十三度弱自晨見東方後東行一百七十一度三百二十七日及逆行逆行四十度七十六日復東行一百七十一度三百二十七日而夕不見五十日復晨見東方凡七百八十日而復始天官書所言出入次舍數約略近之惟云行九月出東方月字當是旬字之誤其盈縮差多者至六十度半強其行疾也每日一度半強木土火三星皆常見周天而惟火星最速故甘石歷五星法惟獨熒惑有及逆行天官書

行疾

始紀其伏見順逆之節而于占不加添辨今以時憲法推之其盈縮進退皆有常度未嘗有失行者則不可以變言矣故其占不錄其留守變色芒角暈彗之屬兩相值而不常有者則採輯於編云

熒惑行色變異占

晉書天文志熒惑出色赤逆行成鈞已戰凶有圍軍鈞已
有芒角如鋒刃人主無出宮下有伏兵芒大則人衆怒
開元占熒惑逆行環繞屈曲成鈞已守之三月不下其分
國有喪熒惑逆行二舍半有火災一曰有女喪一曰為大
水荊州占曰熒惑若無光先起兵者大敗熒惑秋出色黃

兵而和又曰熒惑色白為飢為兵熒惑色青圓為水為憂
為飢一曰色青者多雨甘氏曰熒惑芒名正旗正旗所指破
軍殺將正旗而伐之大勝郝萌曰熒惑色正黑多芒所居
之野有妖惑者又曰兩軍相當雲厚掩熒惑必有逐軍
巫咸曰熒惑白暈大臣背其主其角也兵氣赤色也國有
憂

觀象玩占甘氏曰熒惑在夏曰玉色比心大星大而赤精
光仲夏有芒角在春曰相其色精光無芒角在四季曰休
其色赤黃無精光在秋曰囚其色青白不明在冬曰死其
色黃黑細而不明其常也色如其常則天下和平當王時

而有相色相蔽主聰有休色政令不行有囚色讒臣用事
有死色國有喪其留守之舍不可舉事用兵其進舍也其
國不祥其退舍也其國有旱當相時而有玉色其所居國受
殃有休色讒臣在旁有囚色國有捕囚有死色大臣亡其
留守之舍其國兵起其進舍也有蝗其退舍也赤地千里當
休時而有相色其邦亂臣不從令有玉色其國受殃有囚色
有小兵有死色盜賊橫行廟堂有火其留守之舍受殃其進
舍也灾傷其退舍也利口危邦當囚時而有玉色大臣有憂
有相色臣下毀傷有休色使者道路項領相望有死色丁壯
從軍其留守之舍道入路不通其進舍也有兵其退舍也有

妖言當死時有王色宗廟缺享有相色大臣攝政有休色
宗廟有火有囚色丁壯多死于兵其留守之舍其下有兵其
進舍也多風其退舍也流水湯湯熒惑主荆楚以南荆州
衡陽尚盡南海其色比心中央大星及畢右股大星為正若
變色而白雨水教至五穀不滋四鄙入堡民多疾有喪變
色而青蝗蟲為災有暴風五穀晚熟國飢民流變色而
黑有大水有死喪凍雹傷穀暴兵至海中占熒惑色赤國
有憂白亦有憂色蒼天下多死傷其國尤甚熒惑春色赤
百姓有憂冬色白大臣多毒熒惑色蒼細小而無精明名
曰進賊讒臣入國荆州占曰熒惑色黃而不明為變色其

時不昌春不生夏不榮秋不成冬不藏四時皆變其色天下大荒又曰熒惑色蒼黑凶蒼多黑少有喪蒼少黑多有水蒼黑等喪且水期六十日遠則三年熒惑正黑其國有水殃又曰熒惑一赤一黃王公有殃鄰萌曰熒惑赤芒南方國利之白芒西方國利之青芒東方國利之黑芒北方國利之黃芒中國利之色黑而芒所居之野有殃又曰熒惑色大赤而芒不出二年兵喪並起色黃所居之野有土功色變正白冬有喪白圓而光其野旱疫正白無芒所居所女喪多芒所居有男喪色蒼黑有水青角其國有兵憂來春五穀草木凋殺又曰熒惑色青有大兵旱色變正赤其秋有兵又

曰熒惑始出色蒼多芒所居國飢有妖色赤而芒兵在外大
戰無兵兵起色黃多芒所居國主憂又曰赤芒主憂赤角
主怒熒惑赤大燁然而芒其野有兵大而赤角有兵出攻
戰客利熒惑有芒角以戰背之利隨其指而擊破軍殺將
熒惑始出大而日益小者其國不利始出小而日益大者其
國利兩敵相當其日大以其日利其日小以其日不利上旬
為陽國中旬為中國下旬為陰國若星大赤兵出有功小赤
無功以日占國熒惑小於常其國有兵後熒惑赤白而先其
所居野有兵亂青光為雨黑光為水無光兵亂熒惑出而有
角行疾用武行遲用文 熒惑逆行有所守其宿為旱為飢

應在其年若復還順行而色正者雜貴還賤熒惑所在之
國不利起兵石氏曰熒惑留久其禍三年癸熒惑以庚辛日
留天下有大兵喪荊州占曰熒惑出東方若西方遲留者其
國不利留一月以上為飢為兵又為喪四孟之月侯王受之
四仲之月大臣受之四季之月百姓受之熒惑出入進退用
兵者符之勝逆之敗芒角所指破軍殺將隨其所指大勝乙
巳占曰熒惑行在鶉火之次宜背午以戰及以月加時宜背
勝先以戰大勝

熒惑出彗其下國亡地熒惑出氣為赤穰明日大熱至夕大
雨一曰不出五日有賊有五十日旱魚鹽貴二倍乃止熒惑

出氣長丈四尺有旱長一丈百日旱傷物大臣作亂其國飢
荒 熒惑晝見臣謀主所在分兵起大旱水竭 常以夏
丙丁日候熒惑變色則為災

月犯熒惑

史記天官書月蝕熒惑也亂

開元占荆州占曰月與熒惑合光世相及其國有內亂兵
三年廿次曰月行宿熒惑而蝕天下有憂

觀象玩占月犯熒惑有亂臣一曰其國有兵貴人出巫
咸曰有兵戰小吏死荆州占曰戰勝之國大將死一曰貴人
兵死月犯熒惑而暈或食亡地太半將軍憂月食熒惑河

圖帝覽嬉曰其國以兵致飢月與熒惑合海中占曰其國不可以有為貴人傷有內兵月與熒惑同光有叛臣內亂且飢

熒惑歲星相犯

宋史天文志熒惑與歲星相犯主州太子有敵備歲星有子守之太子危

觀象玩占熒惑犯歲星有兵戰一曰大臣有匿謀一曰蟄蟲冬出雷早行示不成荆州占曰有戰火出木北天下急出其南有謀在中一曰奸臣為謀殺大將火貫木殺小將火木相掃天下有爭言

熒惑填星相犯

宋史天文志熒惑填星相犯兵大起入填星將為亂觸之
有刀兵守之有內賊太子危

開元曰占荊州占曰熒惑與填星合而犯大將軍為亂春秋
緯曰熒惑干填星大旱文耀鉤曰主善不失政則熒惑與
填星相扶熒惑守填星為憂喪

觀象玩占熒惑犯填星兵起有大戰或曰火犯土土在下
火在上其國吉土在上火在下大臣憂火與土合已去而復
未還統之有暴獄

熒惑太白相犯

宋史天文志熒惑與太白相犯兵起守北太子憂南庶子

憂環繞偏將憂

開元占荊州占曰熒惑太白相犯為兵喪又為逆謀又曰
太白與熒惑遇是謂金入火有兵兵罷國安無禍又曰
熒惑所在太白從之伐不利無功太白所在熒惑從之伐
者利有功石氏曰太白熒惑與太白會為燥其下之國不可
舉事用兵必受其殃又曰熒惑與太白相隨西行熒惑舍
天門西太白舍天門中一曰舍天津人主無出國門又曰熒
惑往從太白聚于一舍太白為失明熒惑赤色而光統太
白所并之國大兵起又曰熒惑薄太白亡偏將海中占曰太

白熒惑合合金從之火有兵罷火從金兵大起又曰熒惑
太白合野有破軍將死黃帝占曰熒惑太白俱入斗不出
其年國亂有復又曰熒惑入東井太白隨之兵喪並起陳
卓曰熒惑入東井太白隨之百川皆溢韓楊曰熒惑太
白接皆赤而芒三十日合天津閩河不渡諸侯不通

觀象玩占熒惑太白相犯天下憂兵起大戰金在南南邦
敗在北北國敗 熒惑乘太白兵起不用其國且以武致
天下熒惑觸太白有暴賊熒惑入太白中土出破軍將
客勝出太白左左軍勝出太白右右軍勝熒惑環太白
成句已大將死熒惑抵太白不入亦不去客將死熒惑摩

太白而過有數萬人戰有破軍主人將死金火相守流血

滿野

熒惑辰星相犯

宋史天文志熒惑與辰星相犯兵敗與辰星相會為旱秋
為兵冬為喪守之太子憂

開元占陳卓曰熒惑所在辰星從之伐者利有功辰星所
在熒惑從之伐者不利又曰熒惑與辰星相遇是謂不祥
不可用兵命曰自伐

觀象玩占熒惑辰星相犯其國不可舉事用兵一曰野有
兵不戰一曰兵在外者敗熒惑觸辰星有異姓王

熒惑雜干化占

宋史天文志他星化熒惑兵起祿星犯之為兵為火

開元占石氏曰熒惑與他星會而鬪者皆為禍荊州占

曰熒惑與他星合相凌而鬪二星相近者其殃大相遠其

殃小

觀象玩占熒惑與客星命鬪天下兵起熒惑出東方行而西有小星觸之即去所宿之國受兵熒惑之陰有小星相去四寸以內諸侯陰謀熒惑之陽有小星相去四寸以內有小兵流星衝熒惑其分君有福流星光映熒惑鄰國有大使至此雄猛之使也有奸謀若刺客宜察而防之

流星穿熒惑而過。熒惑無光。其分國飢。流星振熒惑。其
國旱飢。一曰天子有大行。或曰國多諉臣。一曰天子宮中備
火。

欽定天文正義卷十六

填星占

填星占

史記天官書。歷斗之會以定填星之位。曰中央土。主季夏。日戌巳黃帝主德。女主象也。歲填一宿其所居國吉。未當居而居。若已去而復。遂還居之。其國得土。不乃得女。若當居而不居。既已居之。又西東去。其國失土。不乃失女。不可舉事。用兵。其居久。其國福厚。易福薄。其一名地侯。主歲。歲行十二度百十二分度之五。日行二十八分度之一。二十八歲周天其所居。五星皆從而聚于一舍。其下之國可重致天下。禮德義殺刑盡失。而填星乃為之動搖。羸為王不寧。其縮有軍不復。填星其色黃。光芒音曰黃鐘宮。其失次上二

三宿主曰羸有主命不成不乃大水失次下二三宿曰縮有
后戚其歲不復不乃天裂若地動斗為文太室填星廟天
子之星也填星出百二十日而逆西行西行百二十日反東
行見三百三十日而入三十日復出東方太歲在寅鎮星
在東壁故在營室

晉書天文志填星曰中央季夏土信也思心也仁義禮智
以信為主貌言視聽以心為正故四星皆失填乃為之動
一曰填為皇帝之德女主之象主德厚安危存亡之機司
天下女主之過

宋史天文志星經曰填星主嵩山豫州又主東井

開元占填星所宿者其國安大人有喜增土吳龔天官星占曰
填星所居國有德不可以有兵加也

觀象玩占填星中缺黃帝含樞紐之使句陳之神土之精也
常晨出東方夕伏西方填星主四季其日戊己其辰丑未辰
戌其卦坤艮其音宮其數五其帝黃帝其神后土主德福女
主之象所在國有福不可伐又主聚眾主土功主正綱紀主
周梁主太常主司天下女主之過

案土星每日平行三十分度之一強每歲平行十二度四
分度之一弱三十年一周天而過七度一百二十年行四
周天而過一宮一千五百年行五十周天而不及七度太

歲干支復合天官書云太歲在甲寅填星在東壁亦據古
曆始起之歲為言非甲寅年填星必在東壁也二十八
宿度數多者如井三十餘度少者如觜不及一度其云填
一宿亦據甲寅年在東壁而言其舊年則在營室行過
十二度也其伏見順逆之節依時憲法推算自晨見東
方後東行百七日而逆西行西行百三十六日復東行東
行百七日而夕不見凡見三百五十日而入三十日復
晨見東方其盈縮進退多者不過十二度其行疾也不過
數分故又名鎮星天文家以土木二星為福故所居皆吉
贏縮則占星經云德贏則加福刑盈則不復德縮則

迫感刑縮則不育其曰德刑者蓋以所次之方位宿分
為言是盈縮又非為定論也自漢以來既知盈縮有
常而推步日益加密則行皆應度而為福其義
不尤勝歟

填星行色變異占

宋史天文志填星盈則超舍以德盈則加福刑盈則不復
縮則退舍而不及常德縮則迫感刑縮則不育星經曰行
中道則陰陽和調退行一舍為水二舍海溢河決經天退
行天下更政地動巫咸曰光明歲熟大明主昌小暗主憂
春青夏赤女主喜春色蒼歲大熟色赤飢有芒兵

開元占郝顏曰填星色有常黃比參右肩又曰填星色赤
有芒其野謀兵黃帝占曰填星色白多為微又曰填星始出
小而日愈大所在國利禮緯斗威儀曰君乘土而王其政太
平則填星黃而多輝荊州占曰填星色春青夏赤秋白冬黑
色順四時其國強女主昌又曰填星在四方宿當如其方色
吉失色而角青為憂赤為旱白為兵黑為死喪填星黑角則
水赤角有兵若旱黃角有土功東海中占曰填星色白芒澤
有子孫喜立王

觀象玩占甘氏曰填星在四季之時曰王其色正黃比北極
中央大星而精明有芒角在夏曰相其色黃大而精明無芒

角在秋曰休其色黃白無精明在冬曰囚其色黃黑不明在
春曰死其色青白細小而不明其常也如其常則天下和平
當王時而有相色其國女主宗族有休色政在公卿有囚色
女主不昌有死色女主之族不祥其留守之舍有厚德其進
舍也其國得土其退舍也失土當相時而有王色其分主弱
女主持政有休色土功興有囚色女主不昌有死色其國貴
人多喪其留守之舍其國女主微其進舍退舍皆有土功憂
事當休時而有王色其國臣下縱橫有相色女主請謁有囚
色女主宗族有喪有死色國有女喪其留守之舍國人流亡
進舍退舍皆有殃當囚時而有王色國有赦令四時不和多

風雨五穀不成盜起野多囚人有相色臣下有謀謀及司空
有休色女主與妾訟有死色國有怪有土功其留守之舍及
進舍其國嗣子憂退舍有喪當死時而有王色下勝上臣專
政枯木更生有相色地泄其藏有休色五穀暴貴邑人流亡
有囚色霜雹為災其留守之舍國有凶殃其進舍也地動若
有蛇怪其退舍也人多流亡 填星主中國周三河梁宋之
國豫州之地其色黃潤而沈所居有福一曰填星光明潤澤
其國大熟天下歲豐又曰填星黃潤女主有喜色青有憂青
圓女主疾赤國飢期三年填星色黑女主多疾一曰天下有
水災填星色青白不出五月國兵起不則微事起又曰青多

為兵白多為微青白等兵微俱起皆以所宿命國填星變色
於戊己之日及辰戌丑未之月或寅卯之月皆為凶填星
失色而角國有憂一曰填星生角其國爭地填星黃而角土
功興荆州占曰填星出角為旱若失色五角則有兵戰亡軍
填星動搖其國有土功女主不寧有山崩若地動江河決又
曰土動天下叛填星出北方宿中其國不用兵出東方宿
中所出之國兵強出南方宿中其下用兵者亡地出西方宿
中其國兵起填星晝見臣謀君女主憂上相死填星出
彗所受居國受兵亡地有喪填星自暈土功興國有喪填星
出氣為黃穰明日大熱旦霧夕雨不出五日穀賤不三旬民

病多死填星出氣四丈有三月之雨土功起填星旁有獨雲
如狗狀有土功期一年 填星守列宿色青為敗帝以四季
月戊己日候之變色則為災

月犯填星

史記天官書月蝕填星也下犯上

宋史天文志填星與月相犯有兵

開元占河圖帝覽嬉曰月犯填星為亡地期不出十二年其
國以飢亡一曰有喪荊州占曰月犯填星其國貴人兵死一
曰先舉事者敗若有大風

觀象玩占月食填星其地人民流亡女主憂又曰為兵飢為

喪月與土合其下國飢填星入月中臣賊其主一曰不出四
十日有土功事填星貫月國內亂

填星歲星相犯

宋史天文志填星與歲星相犯相關為內亂

開元占石氏曰地侯與攝提所合之宿大戰不勝亡地填星
與歲星合相犯為內亂不可舉事用兵土在木下利為主人
土在木上利尉為客六十日不下其國失地

觀象玩占填星歲星相守有兵守後木退歲歎土退年豐有
賊

填星熒惑相犯

宋史天文志填星熒惑相犯為兵喪

開元占荊州占曰熒惑入填星中將軍為亂又曰填星與熒惑合相守其下國失地若有圍邑

觀象玩占填星熒惑相犯大人忌之若二星皆色赤或俱無光或土在火芒內火在土芒內皆為其國大臣死旱潦不節民災物不成

填星太白相犯

宋史天文志填星太白相犯為內兵有大戰一曰王者失地

開元占石氏曰太白干填星五穀不熟

觀象玩占填星太白相犯為兵一曰大水草木死

填星辰星相犯

宋史天文志填星辰星相犯為兵為旱

開元占石氏曰辰星逐填星會者國有土功田後非法都萌
曰填所在辰星從之伐者不利荊州占曰辰星所在填星從
之伐者利有功

觀象玩占填星辰星相犯為旱為變謀更事一曰將有危一
曰土犯水冬雷虹出來年夏寒隕霜雨雹

填星雜干犯占

宋史天文志祿星犯填星下臣謀上流星犯填星則民多事
開元占黃帝占曰流星抵填星后忌之

觀象玩占。填星旁有小星守之，臣逆。小星去，臣利。填星往復，小星臣伏誅。小星在東方，則事在東方；西南亦如之。各以所在宿命國。流星抵填星，填星光明不動，其分君有福。國昌，流星光潤，緩行將至填星，一二寸而沒，霸王之使也。占同歲星。流星犯填星，色赤黑，外國有奸人入。色黃，夷狄來貢。流星拂填星而過，色赤，其分有兵；白，有喪；黑，有水；青，有疫；且飢黃潤。

吉

欽定天文正義卷十七

太白占

太白占

史記天官書察日行以處太白曰西方秋司兵月行及天矢日庚辛主殺殺失者罰出太白太白失行以其舍命國其出行十八舍二百四十日而入東方伏行十一舍百三十日其出西方伏行三舍十六日而出當出不出當入不入是謂失舍不有破軍必有國君之篡其紀上元以攝提格之歲與營室晨出東方至角而入與營室夕出西方至南而入與角晨出入畢與角夕出入畢與畢晨出入箕與畢夕出入箕與晨出入柳與箕夕出入柳與柳晨出入營室與柳夕出入營室凡出入東西各五為八歲二百二十日復與營室晨出東

方其大率歲一周天其始出東方行邊率日半度一百二十日必逆行一二舍上極而反東行行日一度半一百二十日入其庫近日曰明堂星柔高遠日曰大器剛其始出西行疾率日一度半百二十日上極而行邊日半度百二十日旦入必逆行一二舍而入其庫近日曰太白柔高遠日曰大相剛出以辰戌入以丑未嘗出不出未嘗入而入天下偃兵兵在外入未嘗出而出當入而不入下起兵有破國其當期出也其國昌其出東為東入東為北方出西為西入西為南方所居以其鄉利疾其鄉凶出西逆行至東正西國吉出東至西正東國吉其出不經天經天天下革政小以角動兵動起始

出大小後兵弱出小後大兵強出高用兵深吉溪凶庫溪吉
深凶日方南金居其南日方北金居其北曰羸侯王不寧用
兵進吉退凶日方南金居其南北日方北金居其南曰縮侯
王有憂用兵退吉進凶用兵衆太白太白行疾疾行遲遲行
角敗戰動搖躁躁國以靜靜順角所指吉反行之皆凶出則
出兵入則入兵赤角有戰白角有喪黑圈角邊有水事青圈
小角憂有木事黃圈和角有土事有年其已出三日而後有
微入入三日乃復盛出是謂與其下國有軍敗將北其已入
三日又復微出出三日而復盛入其下國有憂師有糧食兵
草遺人用之卒雖衆將為人虜其出西失行外國敗其出東

失行中國敗其色大圜黃澤可為好事其圜大赤兵勝不戰
太白北白比狼赤比心黃比參左肩蒼比參右肩黑比奎大
星五星皆從太白而聚于一舍其下之國可以兵從天下居
寔有得也居虛無得也行勝色色盛勝位有位勝無位有色
勝無色行得盡勝之出而留桑榆間疾其下國上而疾未盡
其日過參天疾其對國上復下下復上有反將其八月將僂
金木星合光其下戰不合兵雖起而不鬪合相毀野有破軍
出西方昏而出陰陰兵彊暮食出小弱夜半出中弱雞鳴出
大弱是謂陰陷于陽其在東方乘明而出陽陽兵之彊雞鳴
出小弱夜半出中弱昏出大弱是謂陽陷于陰太白伏也以

出兵兵有缺其出外南南勝北方出外北北勝南方正在外
東國利出西北北勝南方出外南南勝北方正在外西國勝
其與列星相犯小戰五星大戰其相犯太白出其南南國敗
出其北北國敗行疾武不行文色白五芒出祭為月蝕晚為
天矢及彗星將祭其國出東為德舉事左之迎之吉出西為
刑舉事右之背之吉反之皆凶太白光見景數勝晝見而經
天是謂爭明疆國弱小國強女主昌亢為疏廟太白廟也
太白大臣也其號上公其他名殷星太正管星觀星宮星明
星大衰大澤終星大相天浩序星月緯大司馬位謹候此
宋史天文志太白為西方為秋為金於人五常義也五事言

也常以正月甲寅與大晨出東方二百四十日而入八十四日又出西方二百四十日而入八三十五日而復出東方出以寅戌入以丑未也一年一周天星經曰主華陰山梁雍益州又主奎婁昴畢皆參又曰主大臣

開元占五行傳曰太白者金精也于五常為義舉動宜于五事為言號令民從義虧言失造秋令則太白為變動為兵為殺荆州占曰太白出東北為觀星出東方若東南為明星出西方太白也甘氏曰太白金主大將主秦鄭巫咸曰太白金主兵草誅伐正刑法

觀象玩占太白一曰殷星一曰大正一曰熒頭一曰明星一曰觀星

曰大威曰太皞曰衆星曰相星曰大鬻曰大彗曰序星晨見
東方曰啟明夕見西方曰長庚西方白帝白招拒之使白虎
之神金之精也大而色白故曰太白其日庚辛其辰申酉其
卦乾兌其音商其數九其帝少昊其神蓐收出以辰戌入以
丑未其出入也必以風雨太白金主威主斷割殺伐故用兵必
占之

按金星小輪以日為心每日平行一度弱歲一周天星循
小輪周每日平行十分度之六自合伏與日同度後八日
夕見西方二百六十四日而留退退行十二日夕不見又
八日退與日合又八日晨見東方又十二日而留順順行

二百六十四日夕不見又八日復與日合凡五百八十四日而復始八歲積二千九百二十日星行小輪五周小輪心行天八周故出入東西各五復與原宿同度天官書為八歲二百二十日復與營室晨出東方及順逆行舍日數皆微有不同今無太初歷術不可得而推定其云歲一周天伏十六日而出及高卑遠近之說則與今法合至其占驗大抵多兵家之言蓋自重於義和之法失傳而唐李甘石諸家各因時務立論又以太白主殺故用兵占之司馬氏已謂機祥不法無可錄者則天官所載亦姑仍舊說耳夫四時五行闕一不能成歲至治之世金星亦反逆行

占家之言果可為典要乎今採其近似者具於左

太白行色變異占

漢書天文志太白兵象也出而高用兵深吉淺凶埤淺吉深凶角散戰言不敢戰凶擊角所指吉逆之凶進退左右用兵進退左右吉靜凶圍以靜用兵靜吉燥凶出則兵出入則兵入象太白吉反之凶赤角戰凡太白所出所直之辰其國為得位得位者戰勝所直之辰順其色而角者勝其色害者敗

宋史天文志巫咸曰太白光明見影戰勝歲熟狀矣然而上兵起光如張蓋下有立王凡太白至午位避日而伏若行

至未即為經天其災異重也 開元占石氏曰太白行疾前
用兵者善行遲後用兵者善又曰太白伏外有軍則罷將起
兵則止國勿攻戰又曰太白出東方黃而明旱黃而不明此
常色也又曰太白在陽陽國利其以陽時出于陽重利太白
在陰陰國利其以陰時出于陰重利又曰太白色赤白而潤
有喜又曰太白之色赤也將者勝其白無角不勝又曰太白
黃而角有土功色白而角不可以戰一曰哭泣之聲色黑而
角大水有兵在外戰吉不戰凶海中占曰太白十二芒鉤不
可以戰

觀象玩占甘氏曰太白在秋曰玉其色比狼精明而有光伴

秋之時有芒角在四季曰相其色猜光而無芒角在冬曰休其色精明而無光在春曰囚其色青黃而不明在夏曰死其色赤黑細小而不明其常也如其常則天下和平當王時而肖相色主弱將強摧勢縱橫天下有兵有休色臣有謀主者有囚色所任官者囚有死色大將野死其留守之舍兵起其進舍也其下兵歸之其退舍也兵弱不用當相時而有王色主弱將強有休色將不用命有囚色將謀不成有死色將死其留守之舍有兵其進舍也是謂趣兵其退舍也兵出不行當休時而有王色其野多賊軍死于野其留守之舍有逐將其進舍也武吏從橫其退舍也文吏弄權當囚時而

而有王色其分國有叛將有相色下化其上有休色其野多
暴兵有死色有妖言不祥其留守之舍不可舉事用兵其進
舍也歲多霜雹其退舍也冬暖不藏當死時而有王色流
水湯湯有相色野火煌煌有休色錢幣不行有囚色國多虎
狼其留守之舍野獸食人其進舍也白刃鏘鏘其退舍也兵
不成行 太白主西維秦晉巴蜀羌髡諸國梁雍以西之
地其體大而色白光明而潤澤所在之分兵強國昌體小而
味單敗國亡太白色猛赤次白而蒼悴而不光是謂失色其
所在國雖得地擊之必克太白色黃黑軍在外者宜罷太白
色蒼黑期六十日有水若喪黑多為水蒼多為喪蒼黑亦有

水且有喪太白始出色黃白其國吉黃亦吉色赤有兵主人
勝國不傷色白歲熟色黑有水色青有憂太白色蒼白而靜
天下默兵太白色黑而澤有芒天子有孫喜有主立王太白色
黑而大青芒角陰國大勝戎兵乃來風災數起國多盜賊有
大獄大兵太白色青而暗小國旱君有憂草木生榮非時五
穀不實太白色赤而怒兵起國多火災寒熱失節民多癘疾
螽蟲不滅甘氏曰太白色赤者武也利以戰色白者文也不
利以戰太白芒出而銳大利攻戰順芒所指擊之勝巫咸曰
太白黃而角其國疫白而角其國旱青而角多死喪 太白
初出大而後小其國兵弱先勝而後亡初出小而後大其國

其國兵強先敗而後成。荊州占曰：太白出小而後大，在東方。陽國兵起在西方，陰國兵起。太白晝見有兵，兵止無兵。兵起一曰為兵喪，為不臣，為更王，強國弱，弱國強。一曰太白晝見，各以宿占其國兵起。又曰：太白，秦星也。晝見，秦國兵強。武密占曰：太白經天不出三年，有喪大臣，有殃，各以其宿占。國太白自暈，天下有敵，有兵不出二十日。其國失軍。太白出氣長，數丈多風雨，所指處兵大起。太白出穰氣三丈，大水兵起。太白出氣白穰，明日大風，道上無灰塵，不出五日。糴貴不出三年，中有兵。一曰：歲多大霧，傷五穀，婦人多殺傷其子。者滿十月乃止。太白出彗在西南，維中國受兵亡地。太白出

出彗在西北維胡狄受兵亡地 太白守列宿色赤為敗常
以秋三月庚午日候之變色則為災

月犯太白

史記天官書月蝕太白也強國以戰敗

宋史天文志太白入月其下兵犯月角兵起在左則中國
勝在右則外國勝

開元占荆州占曰太白與月并光軍大戰相去一寸有拔
城二寸有謀春夏有大水秋冬有大雪牛馬疾疫穀貴
觀象玩占月犯太白有兵大戰一曰將有二心河圖帝覽
嬉曰強侯作難以戰則不勝一曰太白與月相犯國多寇

盜月掩太白王者亡地月吞太白其分有兵戰月戴太白有
猝兵期五日太白出月下芒相及民流月生三日刺太白之
陽陽國勝小邑損月生三日之陰刺太白之陰兵在外者未
及入在內者不及出南方為陽北方為陰月與太白會月在
南南國凶在北北國凶太白入月中其國戰不勝亡地荊州
占曰有分國立王又曰軍出主將死己占曰太白入月中
不見星臣為逆月柱太白入柱中侯王死太白貫月期不出
六年國有大兵戰敗亡地海中占曰太白出月右陰國有
謀出月左陽國有謀

太白歲星相犯

宋史天文志太白與歲星相犯兵敗失地

開元占歲星太白相去尺若不能天下有兵不出四旬中戰
色青則東方勝赤則南方勝黃則中央勝白則西方勝黑
則北方勝太白與歲過木金也命曰伐其野發戰入太白
次中大將死

觀象玩占太白歲星相犯有賊一曰為飢一曰兵起一曰為
旱甘氏曰草再生再死海中占曰金出木北谷利木出金北
主人利太白守歲星后憂觸歲星女主病

太白熒惑相犯

漢書天文志太白者猶軍也而熒惑憂也故熒惑從太白

軍處離之軍鋒出太白之陰有分軍出其陽有偏將之戰
當其行太白環之破軍殺將

宋史天文志太白犯熒惑客敗主勝

開元占熒惑出太白之左左軍戰左將勝出其右右軍戰
右將勝又曰出太白之左小戰出太白右去之三尺軍小
敗又曰太白居熒惑之後而相及破軍殺將

觀象玩占太白犯熒惑主病有大兵大戰客敗太白在南
南國敗在北北國敗東西亦如之太白乘熒惑客軍敗隨之
軍夏太白觸熒惑內有賊臣太白守熒惑太子憂其間客
指血滿其野太白貫熒惑主人亡偏將

太白填星相犯

宋史天文志太白犯填星太子不安失地

觀象玩占太白犯填星國有咎一曰五穀不熟國飢人流
太白觸填星主憂一曰大臣相殘賊兵起太白守填星
金在土北失地守後金退臣憂土退主憂有賊

太白辰星相犯

漢書天文志辰星殺伐之氣鬪之象也與太白俱出東
方皆赤而角夷狄敗中國勝與太白俱出西方皆赤而角中
國敗夷狄勝辰星不出太白為客辰星出太白為主人辰
星與太白不相從雖有軍不戰辰星出東方太白出西方若

辰星出西方太白出東方為格野雖有兵不戰辰星入太白
中五日乃出及入而上出破軍殺將客勝下出客亡地辰星
來抵太白不去將死正其上出破軍殺將客勝下出客亡地
視其所指以名破軍

宋史天文志太白犯辰星主兵

開元占太白出辰星北客利辰星出太白北主人利並出東
方利以西伐并出西方利以東伐又曰辰星居太白前則兵
罷居後則兵起居陽則客利居陰則主利

觀象玩占太白犯辰星國不安兵起太白觸辰星殺宰相太
白并辰星國憂太白未守辰星白日不去客將死

太白雜干犯占

宋史天文志他星犯太白其事急祇星犯邊城有戰客星犯主兵將死

開元占黃帝占曰彗星出入太白長可五六丈金火之兵大用大戰流血天下更政期三年遠五年石氏曰有星入太白中燕國以戰亡郝萌曰流星振太白有喜令

觀象玩占太白旁有小星相去數寸若尺邊地有戰巫咸曰太白夕出西方以八月四日候之旁有小星附之若去之一尺若二尺客軍在外者罷一曰客軍敗有死將太白在東方有小星去之二三尺兵在外者罷太白出有小星隨而

環之命曰趣兵。遂臣亂國都萌曰：太白在西方，有小星近太白，軍在外戰。又曰：軍在外，有小赤星出太白陰，相去四寸，陰國伐利；去太白陽，相去四寸，陽國伐利。皆為戰，取將。荆州占曰：太白出，有小星見其陰，相去四寸以內者，諸侯有陰謀；流星犯太白，其分兵弱；無兵，則兵起；太白無光，將帥有憂；一曰：大將死，軍大敗。流星明潤，前後光銳，穿太白而過，王者德令行，邦國寧，軍有功，大將遂。